

Le amogetšwe ka mo go Fakhalihi ya Molao



Molaetša wa go tšwa go Hlogophethiši ya Lefapha, Profesa PH O'Brien

Fakhalihi ya Molao ya UJ e fana ka dithuto tša tlwaelo tša molao bjalo ka BA Law, BCom Law le LLB, gammogo le Ditikrii tša Mastase tša dithuto tša go se nyake dinyakišišo ka go mafapha a bohlokwa a go fapana. Fakhalihi, ka go šomišana le ba mphato wa bona ka mo go mošomo o le Mokgatlo wa Boramolao, gammogo le ba mphato wa rena bao e lego baeletši ba semolao go dipanka le go mafapha a mangwe, e fana ka mehutahuta e mentši e mebotse ya go fapana ya didiploma, disetifikeiti le dithuto ka go mafapha a go swana le a motšhelo wa letseno, go tšhona, go hlama dikontraka, go hwetša tšhelete ka tsela yeo e sego ya semolao, molao wa tikologo, molao wa bašomi, molao wa tshedimošo le kgokagano (molao wa dikhomphyutha le ditsela tša tshedimošo) le molao wa dipapadi.

Lekala le na le bašomi ba 40 ba sa ruri ba tša thuto bao ba nago le mangwalo a dithuto a godimo kudu, bao ba thušago ke bašomi ba taolo bao ba nago le maitemogelo. Ba 18 ba diprofesa le bafahloši ba na le ditikrii tša bongaka tša molao (LLD) mola ba bangwe ba 17 ba ena le ditikrii tša mastase (LLM). Ba bangwe ba bašomi ba swere gape didiploma tša maemo a godimo tša dithuto tša ka morago ga tikrii ya mathomo. Mangwalo a dithuto a moswananoši a bašomi ba tša thuto a dira gore go be le maemo a godimo a tša thuto le boikarabelo bjo bogolo bja dipoelo tša dinyakišišo bjo fakhalihi e tumilego ka bjona.

Fakhalihi ya Molao ya UJ, le ge e le gore e na le bašomi ba bannyane ka palo, e na le dikliniki tše tharo tša molao tše di fanago ka tlhahlo ya tirišo go baithuti le ditirelo tša semolao go maloko a setšhaba ao a diilago. Baithuti ba molao ba šogana le dikopano tša go fana ka tshedimošo ya semolao tše di balelwago go tše 3 000 ka ngwaga go maloko a setšhaba – ka go dira bjalo ba hwetša maitemogelo a tirišo ao a lego bohlokwa. Fakhalihi gape e thuša ditheo tša dinyakišišo tše šupa le bokgobapuku bja molao bjo bo tšewago bjalo ka bjo bokaone mo lefaseng.

Fakhalihi e na le mahlatse ka go ba e le ka gare ga boteng bja ekonomi ya Afrika Borwa. Kgorotsheko ya Godimo yeo e phelago e šoma ka maatla ka mo Afrika Borwa e hwetšwa go la Johannesburg, le Kgorotsheko ya Molaotheo e gona mo kgauswi. Maitemogelo a laeditše nnete ya gore tšhomišano magareng ga maloko a fakhalihi le bašomi ba tša molao, lefase la tša kgwebo la Johannesburg le lefapha la setšhaba di kaonafadiše boleng bja bašomi ba tša thuto ka mo go fakhalihi ya rena. Mohlala o mobotse wa tšhomišano magareng ga lefapha la kgwebo le Yunibesithi ya Johannesburg ke khonferense ya Ngwaga ka Ngwaga ya Tshedimošo ka ga go Panka (ABLU) yeo e lebelelanego le diphetogo ka mo go molao wa go pankka le wa ditšhelete.